

Maudhi madogo madogo

Baadhi ya maudhi madogo madogo ya chanjo hii ni:

- Maumivu kidogo sehemu chanjo ilipochomwa .
- Kupata wekundu sehemu chanjo ilipotolewa
- Homa baada ya kuchanjwa, kama inavyotokea kwenye chanjo nyingine

Msaada na usahuri waweza kutolewa na watoa huduma za afya pale inapotakiwa.

Kama una maswali yoyote au dukuduku tafadhali muone mtoa huduma ya afya

Chanjo ni Haki ya Kila Msichana wa darasa la nne na wasiokuwa shuleni wenye umri wa miaka 9

Hakikisha binti yako anapata chanjo.

Kwa maelezo zaidi au maswali yoyote tafadhali wasiliana.

Mpango wa Taifa wa Chanjo
Wizara ya Afya na Ustawi wa Jamii
Simu: 255 22 2450089
Fax: 255 2450089



Jikinge na Saratani ya mlango wa Kizazi




Mpeleke binti yako akapate Chanjo!



Saratani ya mlango wa kizazi – mambo muhimu.

- Mlango wa kizazi (cervix) ni kiungo katika tumbo la uzazi la mwanamke (angalia picha hapo chini).



- Saratani ya mlango wa kizazi inasababishwa na virusi vijulikanavyo kitaalam kama human papillomavirus (HPV).
- Saratani ya mlango wa kizazi ni ugonjwa hatari na unaua wanawake wengi nchini zinazoendelea.
- HPV huambukizwa kwa njia ya Ngoni toka kwa mtu mwenye virusi hivyo. Virusi hivi pia huambukiza koo au puru kwa jamii zinazofanya ngono za mdomoni na puru
- Maambukizi ya HPV yameenea sana ulimwenguni. KILA MTU akianza kushiriki ngono anakuwa katika hatari ya maambukizi ya virusi vya HPV.
- Tafiti zinaonyesha kuwa, katika kila wanawake wanne wanaoshiriki ngono watatu wanapata maambukizi ya HPV wakati fulani wa maisha yao.
- Wasichana wenye umri mdogo wanao uwezekano mkubwa wa kupata maambukizi ya HPV.

Dalili za Maambukizi ya HPV

- Baadhi ya dalili za awali za maambukizi ya HPV ni vivimbe kwenye sehemu za uke au Uume; (au koo / puru) vijulikanavyo kama viotea.
- Dalili za Baadae ni mabadiliko katika seli za mlango wa kizazi, ambazo ni dalili za awali za saratani ya mlango wa kizazi
- Mabadiliko haya yasipodhibitiwa mapema hugeuka kuwa saratani ya mlango wa kizazi au viungo vingine

Dalili za Saratani ya Mlango wa Kizazi

Awali Saratani ya mlango wa kizazi ni haina dalili. Hugundulika tu kwa kuchunguzwa na wataalam wa aafya. Dalili za baadae ni:

- Kutokwa na uchafu na / au damu kwenye uke
- Kupata hedhi bila mpangilio maalumu
- Kutokwa na damu ukeni baada ya tendo la ngono

Chanjo ya Kukinga Saratani ya Mlango wa Kizazi (HPV)

- Chanjo ya HPV inakinga maambukizi ya virusi vya HPV vinavyosababisha saratani ya mlango wa kizazi
- Chanjo ya HPV inatolewa mara mbili ili kupata kinga kamili
- Chanjo hii inaweza kupunguza matukio ya Saratani ya mlango wa kizazi kwa asilimia 70.
- Chanjo hii ni salama, imethibitishwa na Wizara ya Afya na ustawi wa jamii na Shirika la Afya Duniani.

Chanjo itatolewaje?

- Chanjo itatolewa na watumishi wa afya kwa kushirikiana na walimu katika shule za Msingi na vituo vya kutolea huduma za afya kwa walengwa wasiokuwa shuleni



- Chanjo itatolewa kwa wasichana wa darasa la nne wenye miaka 9 au zaidi na
- Kwa wasiokuwa shuleni, chanjo itatolewa kwa wasichana wenye umri wa miaka 9 tu.
- Ili kukamilisha kinga, walengwa watahitaji kupata dozi 2 za chanjo hii katika kipindi cha miezi 6

Kumbuka ni muhimu kukamilisha dozi zote

- Chanjo hii inatolewa bila malipo
- Chanjo hii ni salama.